

docsjia 文川网
入驻商家 古籍书城
在文川网搜索古籍书城 获取更多电子书

中國方志叢書·華南地方·第二一九號

據

清乾隆董天工輯
清乾隆六年
道光廿五年重刊本

影印

福建省

武夷山志



成文出版社有限公司印行



10098630

中國方志叢書·華南地方·第二一九號


據

清乾隆十年董天工輯
清道光五年重刊本

影印

福建省

武夷山志



成文出版社有限公司印行



10098631

中國方志叢書·華南地方·第二九號

據

清乾隆十六年董天工輯
清乾隆十六年董天工輯
道光廿五年重刊本

影印

福建省

武夷山志



成文出版社有限公司印行



10098632

中國方志叢書·華南地方·第二一九號

據


清乾隆十年六月
清乾隆十年六月
道光廿五年重刊本
董天工輯
修

影印

福建省

武夷山志

成文出版社有限公司印行



中國方志叢書·華南地方·第二九號


據

清乾隆十年六月工
清乾隆十年六月工
道光廿五年重刊本
修輯

影印

福建省

武夷山志



成文出版社有限公司印行



10098634

中華民國六十三年六月壹一版

武夷山志

全五册

發行人：黃

成

助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

道光丙午年重刻

武庫山志

五夫尺木軒藏板

序

山水之樂人情所同顧或者閉戶不出縱覽於山經地志而託之卧遊無如何也獨余自三十歲迄今四十年中持節遍天下凡名山大川如滇之點蒼粵東之庾嶺羅浮秦之華嶽楚之衡山豫章之匡廬以重江鄉之鍾山瀟皖金焦諸勝皆奉

簡書擁旌鉞以坐鎮其間或與僚佐相宴遊或風塵執掌一過弗顧而所尤耿耿於懷弗能釋者則閩之武夷攷武夷之蹟最古其所稱武夷君聖姥諸事多荒誕不可信六朝時自顧野王講授其中文學以顯至宋

趙清獻築吏隱亭於三曲其後楊文肅胡文定倡道於此及朱子節紫陽書院諸大儒雲從星拱流風相繼迨元明以至於今而閩學集濂洛關之大成則皆講學此山者蓋山之名遂以甲於天下余以己酉庚戌再莅七閩聞山之靈秀將一蠟屐尋幽於三三六六間而未果也竊能始名勝志而外欲得山之全志讀之則自劉道元以下十餘家板多散失其僅存者亦闕略漫漶無善本所見劉斧謝肇淛鍾惺吳拭諸人遊山記益豔慕之時高文良官制府同年劉艾堂爲觀風使及門戴巨川督學政彼此觴詠唱酬多及武夷

之勝余於其暇輒擬徵聘文人才士一輯全志以標
茲山勝槩亦守土者所宜有事也會奉

召開闡兩江則其志又未就今年春族姪曾期方守建寧
郵寄彙志一編則崇安邑紳董子天工所編輯也余
披之部帙哀然而刪繁補缺綱舉目張序次井井不
啻身親歷覽適董子赴銓造謁復述原委請序於余
余既喜山之全勝畢備且樂董子以吏治聞而又具
有此良史才以克成余向者遊既不果書又未就之
志也獨念文真已沒而艾堂巨川皆老病於荒江菴
屋間黃公酒壚之歎廬陵師魯之誌不禁茫茫交集

docsriver 文川网
入驻商家 古籍书城

在文川网搜索古籍书城 获取更多电子书

也序成爲感慨係之矣

乾隆十八年仲春月

經筵講官太子太保文淵閣大學士兼吏部尚書兼管
工部事務加四級軍功加二級溧陽史貽直撰



原序

自昔名山勝境必因人而傳廬山秀甲天下然必前
有匡續後有朱子而後香爐五老諸峯始與嵩華恒
霍並峙於天地間爲藝林所紀載爭與歌咏愛慕之
而不能已閩之武夷亦爲東南山水秀異之地當晦
庵講學崇安時自闢精舍令諸從遊者誦習其中亦
惟是山閒靜遠少避世紛與二三子可以專意肆力
於身心問學中非必耽玩溪山之勝與謝公屐履同
疲敝於清泉白石間者比也生其後者於昔賢琴劍
棲止之區一草一木皆足令人流連感歎勿剪而勿

拜況武夷九曲其境致足以移人宜乎閩之士大夫
規樞形勢修建亭榭於其地者遠近相接於是乎名
勝之多土膏之厚茶薈竹木之清佳以及騷人遊士
之吟咏外而道書方士及雲藍香梵之所寄托不可
勝紀彙而集之哀然成帙矣舊志已四種未爲全備
董生天工思其久而失實也爰編集散佚合爲一書
立綱分目瞭然可見夫以董生之勤知其志趨所在
庶幾日進不已師其鄉先輩之立心制行以自檢束
昔人山經海志每搜集奇詭徵引繁富俾觀者洞心
駭目以爲快然返之於身毫無裨益是非董生之志

也董生兩任司鐸晉觀城令有聲政譜向嘗讀書大學從余遊知之最悉今抵都赴補闕志而喜其志之可嘉也因書於是策而歸之時

乾隆十七年仲冬月

經筵講官協辦大學士事務吏部尙書教習庶吉士相
三級合河孫嘉淦撰



原序

自載籍既博山經水志不下百餘種其最著者如名山志南康記郡國志臨海記廣州記南雍記吳地記始真記五嶽圖荆南圖秦州記十道志兗州記九華山錄武陵記隋圖經宣城圖經益州記神境記南徐州記廬山記湘中記續南越志宜都記括地圖洞天福地記莫不探幽索險繪異揆奇洩鴻濛之祕而顯諸目前誠巨觀也獨恠武夷以巖劣偉嶂鎮七閩而諸書見稱絕少得無如名山不載九華水經獨棄巢湖有遺慨耶及讀南唐張紹會仙觀銘與宋吳拭冲佑觀銘祝武夷山記然後知賞之者大有人

在又按漢書祀武夷君以乾象天文志武夷星分牛宿是
知武夷之重更不自唐宋始也因思此山秀結天壤有宋
名賢後先踵接析疑辨惑於其間山靈固自不凡其不借
中秋宴客二子名武名夷之說以驚世而駭俗也明矣第
慮積久帙散古蹟難名來者徒詫爲仙窟神宅而不知爲
鹿洞鷺湖甚可憫也今年秋董子以候任來考延接之餘
出所志武夷相正且請予序前列繪圖總志後分九曲隨
載古今菴文原原委委即若眉列夫注山者不厭詳故曰
冢曰脊曰椒曰高曰岑曰嶠曰別曰巖曰磴曰巒曰岵曰
岵曰岵曰岵曰麓曰體曰磔均歸實錄了無遁形然後爲

善董子之書其庶幾焉至若地鏡載口呼林林等語其事
荒恠且類梵咒未可入冊董子卷內雖不盡屏釋道乃詳
畧攸分得無意乎管子云天下名山五千三百七十安得
盡如君之顯微闡幽補古人之缺證陵谷之移俾有心人
足不出戶而放眼十萬八千洞洞冥冥內也是爲序
乾隆十九年孟冬署吏部尙書都察院左都御史加三級
紀錄三次清江楊錫紱撰





原序

宇宙山水之靈異每因人而著尼山以宣聖而得名
濂洛以周程而衍派海內名山因人而著者不可勝
數蓋地靈而後人傑亦人傑而後地益靈耳崇之有
武夷自開闢以來天造地設其山之嶽崎險峻水之
曲折滌洞若鬼斧神工莫可窺測海內山水之靈異
於斯爲最然自秦漢而降歷爲方士羽客隱遁之所
迨宋儒叠興考亭夫子倡道東南講學於武夷之五
曲而胡楊游蔡諸大儒先後往來以及文人詞客遊
覽觴詠流風餘韻大爲山水生色而武夷之名始甲

於天下謂非人傑而後地益靈耶余巡視茲邦恒以
公務倥偬不獲窮搜奇奧檢考舊誌又皆殘缺簡畧
每以不能盡攬名山之勝爲憾庚午秋再攝郡篆適
崇邑董君典齋監運東魯觀城尹綠丁內艱讀禮家
居慨然彙編山誌而遠來問敘於余因言舊誌有四
而板存其一故多缺畧不全今彙輯四誌而合爲一
誌刪其繁蕪補其殘缺凡前賢歌詠編次於名勝之
後以便披閱其星野形勝祀典頒賜與夫山圖古蹟
名賢藝文條分縷析綱目備舉隸爲若干卷茲編之
作使觀者披圖閱誌如身歷其境盡攬勝概洵名山

之寶錄茲邑之大觀也後進之士覽茲誌者披山水之奇奧追前哲之芳蹤蟬聯而起文風丕振以鼓吹休明贊襄

聖治地靈人傑將共丹山碧水同其秀麗而武夷山水之靈異始與尼山濂洛交相輝映也歟董君纂輯之功亦與山水同其不朽焉余固樂觀其成而爲之敘

賜進士出身通議大夫福建分巡延建邵道布政使司參政加一級紀錄六次年家眷弟來謙鳴聲吉氏書於芝城官署



卷之二

二

docsriver 文川网
入驻商家 古籍书城

在文川网搜索古籍书城 获取更多电子书

原序



吾閩山水之秀甲天下而武夷尤據閩中之最勝昔人歎爲千巖競秀萬壑爭流美哉河山真人世之希觀又謂山之奇幻百出即使鬼工爲之亦覺勞神蓋自乾魚肇祀以來此山之靈直躋於岱華嵩衡之列興雲降雨誕秀毓賢玉簡金龍崇褒已久道書稱爲昇真元化洞天記載所傳武攸君皇太姥王子騫十三仙人之說雖涉荒遠然今之登山者矯首於雲際天半懸崖斷崖人跡不到之處往往有仙函仙蛻仙机藥鉞丹鼎釣竿之類歷千劫而不壞皆確鑿可據然則謂爲仙靈窟宅羣真愛館豈妄也哉若

夫高人逸士卜築於茲自顧野王劉道元而外代不乏人而宋季楊胡朱蔡諸大儒皆嘗講學於其地則茲山又不僅如天台鴈宕九華峨眉之雄跨一方已也海內士大夫之客吾閩者莫不期一躡丹梯領畧勝槩歸見其都人必詢其曾從武夷來否而吾以生長是邦固宜尋幽選勝坐卧其間顧數年來出疆者三則皆取道於浦城記憶生平所經於豫章覽匡廬白鹿之勝於河洛望太少二室之高南登北固金焦北瞰西山居庸循岱宗之麓過太行之下其於遊攬亦足以豪矣而武夷曾不得一造問津焉吳立夫嘗云胸中無萬卷書眼中無天下奇山水其人未必能文

而況近在邦域之內掉臂失之斯誠足令山英屬笑矣夫
無已則退而求之曷志如宗少文所云澄懷觀道卧以遊
之庶幾一慰素心顧舊志及圖多所舛訛則又廢然而歎
董君典齋博雅人也居近武夷性愛山水嘗築留雲書屋
於五曲春朝秋夕霽景芳晨泛舸攜筇絕幽壑險旣饒謝
公木屐之興復有許椽濟勝之具煙巒雲壑全具胷中因
就其見聞所親歷者合前四志而訂正之補遺辨悞綱舉
目張一水一石荒基廢址以及磨崖題壁瑤艸琪花無幽
不探無瑣弗登繙閱之下恍如置我於三三六六間也其
有功名山接跡前賢信可以不朽者乎他年倘假我以緣

得一至武奇將手董君此志一一與山川相印證願信宿
留雲書屋作匝月之遊而後足其先以斯語約之董君且
向山靈然可焉

乾隆十九年冬十一月年家眷弟葉觀國拜序



原序

憶

先大父視學閩中歸攜武夷志一書載古神仙事絕奇
崖穴而半朱板蛻骨橫錯空際或以炭畫石壁輒飛
肉登天又載朱晦翁楊龜山先生講學處及詩話甚
富心甚蕩慕悵不一身至其地自通籍後入直
綸扉出歷江淮諸郡數十年來蓋此念幾塵寤寐矣
名山屹峙五嶽外其最著者無如匡廬天台羅浮武
夷前年予捧檄章江舟過廬山遙望五峯巒列雲際
青螺隱隱數點適征颿駛疾頃刻過枕上祇識廬山

半面心養養者久之余嘗論山水之勝不獨恃其層巒邃壑懸崖倒景之奇又不必盤礴豐隆曼延數十里百里之勢一丘一壑苟得高賢志士托跡其間地以人重仰與江河五岳並峙何況秀甲寰區膺歷代封祀爲三朝理學駐足之藪如武夷之傑出於羅浮天台匡廬諸山之上者間攷南史淳熙十年文公辭使節遂以閣撰奉祠築室於武夷五曲大隱屏下一時若胡劉游蔡諸君子從游講學彬彬極盛意其地樸古深淳迄今居斯土者皆憬然有山川文物之慕家吟戶誦猶漸被文公之遺教而永矢勿諠也庚子

冬予膺

簡命來守建州自橫浦發長江赴任假道崇安信宿武夷
官卽從羽士處索覽舊志板已漫漶過半不可卒讀
私心若有所待及辛未春按行屬邑特詣星村登昇
真觀而邑紳董君典齋讀書於接笋峯之麓招攜遊
覽廣見聞所不逮老杜詩云始知五岳外別有他山
尊堪移贈武夷君矣董君爲言舊志久湮今某重脩
將竣擬於秋杪登梓盍賜一言爲敘乎夫子不文序
則何能但以數十年之結契一旦得身親其境又值
好古之士相與修輯是志以爲

熙朝文獻之一助不可謂非幸也矣若夫六六三三紅橋
遺脫之奇以暨考亭諸賢餘韻流風之美前志中敘
之詳女子又奚贅

乾隆辛未仲冬之吉建州刺史史會期撰

